


## Akit 1. januar 2011

### Ukiumi kingullermi atuisunut akit 1,7 pct.-mik qaffapput

*Atuisunut akit ukiumut qaffariaat*

Piffimmi 1. januar 2010-miit 1. januar 2011-mut atuisunut akit naatsorsornerinit erserpoq pineqartumi 1,7 pct.-mik qaffassimasoq. Taamaalilluni erserpoq atuisunut akit naleqqersuutaat ukiumoortumik qaffariarnera ukiup affaata siulianut appasinnerusoq, uani 1. juli 2010-mi atuisunut akit naleqqersuut ukiumut 2,3 pct.-mik qaffariaateqartoq naatsorsorneqarmat, takussutissatut ilannguppoq titartagaq 1.

*Titartagaq 1* Atuisunut akit ukiumut qaffariaataat



*Ukiup affaani akit allanngorarnerat*

0,5 pct.-mik 1. juli 2010-miit 1. januar 2011-mut atuisunut akit iluarsiissutaasa naleqqersuutaat qaffappoq. Atuisunut akit naleqqersuutaata allanngorarnera nioqutissanik kiffartuussinernullu akisut allanngorarnerannit aallaaveqarpoq.

*Nerisassiat akii ineqarnerlullu akit qaffakkiartortut*

Ukiup affaanut atuisunut akit naleqqersuutaasa qaffariaataat ilaatigut peqquteqarpoq inuussutissat akitsornerannik. *Inuussutissat il.il.* 2010-p affaani kingullermi 1,3 pct.-mik qaffapput. Atuisunut akit naleqqersuutaat ataatsimut isigalugu inuussutissat akiisa naleqqersuutaat 24,1 pct.-iuvoq, tamannalu atuisunut akigititanut naleqqersuutip ataatsimut naatsorsorneranut pingaarutilimmik sunniuteqarpoq. 2010-mi inigisat akii 1,1 pct.-mik qaffappoq. Qaffaanerinit peqqutaqaataavoq ineqarnernut akit qaffannerat (1,4 pct.-mik).

Ineqarnernut akit annertusinerat atuisunut akigititanut naleqqersuummut tamarmiusumut 9,0 pct.-nik naleqqiussineruvoq, taamatullu atuisunut akigititanut naleqqersuummut tamarmiusumut naatsorsuinerimi sunniuteqarluni.

*...neriniartarfinnissaaq akit qaffapput* 2010-p ukiuata affaani neriniartarfiit akunnittarfiillu 2,4 pct.-mik qaffapput, qaffariarnermut peqqutaasut ilagivaat neriniartarfinni nerinerup 2,4 pct.-mik qaffannera.

*Meeqqanik paaqqinninneq, qarasaasiakkut attaveqaatinik nalunaarsutinillu toqqorsinerit akii appariartut* Nioqqutissat allat aammalu kiffartuussinerit 2010-mi ukiup affaani kingullermi akii 1,6 pct.-mik appariarput. Akit appariarnerat peqquteqarneruvoq meeqqanik paaqqinninnermi akiusut appariarnerannik, appariarneq tamanna 10,5 pct.-iusoq akiliutissanik annertussileriiikkanik allannguinerup malitsigaa. *Sunnigiffimmi aammalu piorsarsimanikkut* taamatutaaq piffimmi pineqartumi 1,1 pct.-mik appariarput. Appariarnermut ilaatigut peqqutaapput qarasaasiatigut attaveqaatineq nalunaarsutinillu toqqorsinerit akii taamatullu radio-p tv-qarnerullu akii appariarmata.

*Qallunaat Nunaanni atuisunut akit allanngorarnerat* Qallunaat Nunaanni atuisunut akigititamut naleqqersuut januari 2010-miit januari 2011-mut 2,7 pct.-mik qaffariarpoq. Ineqarnermut, benzinamut innaallagissamullu akit qaffannerat ukiumut qaffariaateqarnermut peqqutaallutik, *"Forbruger- og nettoprisindeks januar 2011"* Qallunaat Nunaanni Naatsorsueqqissaartarfiup nutaarsiassaataa *"Nyt fra Danmarks Statistik"* nr. 65 najoqqutaralugu.

*Saqqummersitaq tamakkiisoq* Saqqummersitaq tamakkiisoq nittartagarput [www.stat.gl](http://www.stat.gl) aqqutigalugu atuarneqarsinnaavoq.

Saaffiginniffissat allat:  
Kalaallit Nunaanni Naatsorsueqqissaartarfik,  
Oqarasuaat 36 23 60 atorlugu  
imaluunniit qarasaasiakkut allakkisaat  
e-mail aqqutigalugu: [stat@stat.gl](mailto:stat@stat.gl)

Inussiarnersumik inuulluaqqusillunga

Naatsorsueqqissaartarfimmi pisortaq

Anders Blaabjerg

Oqarasuaat toqqaannartoq 36 23 72  
Qarasaasiakkut allakisaat [abla@stat.gl](mailto:abla@stat.gl)